

848
889+



耀輝
詞韻



翰林詞客之珠

山酉六月

吳俊卿



序


詞為詩餘根柢風雅冰雪濯魄煙水悅心比興居多
 仁各見東山絲竹北地風塵西京唐音南渡宋律陶寫
 哀樂宏博淵深動合自然斯為化境子庚汎濫家學作
 為文章四部句元六義適道積稟尺許反復薙削取法
 必上所造益純宮譜淪胥霧脩要眇鯨鯨雙淚耿耿寸
 腸刼送山河恨兼家國擷豔古錦采響爨琴香草哀吟
 枯樹怨賦解人難索有鐵板銅琶知已云遙唯曉風殘
 月包羅萬有卷舒半空孤生自嗟食貧不悔一字顧曲

序

一

八音集成世無紫霞君為白石承命墨首唏乎傷已曲

光緒辛丑吳縣彭世襄序



此書東山絲竹北地風塵西京唐音南渡宋律陶寫
 哀樂宏博淵深動合自然斯為化境子庚汎濫家學作
 為文章四部句元六義適道積稟尺許反復薙削取法
 必上所造益純宮譜淪胥霧脩要眇鯨鯨雙淚耿耿寸
 腸刼送山河恨兼家國擷豔古錦采響爨琴香草哀吟
 枯樹怨賦解人難索有鐵板銅琶知已云遙唯曉風殘
 月包羅萬有卷舒半空孤生自嗟食貧不悔一字顧曲



濯絳宦存橐

噙椒詞

五季北宋津逮風騷二窗中僊開關門戶華年選
夢錦字緘愁律據音先意寫言外美人香草無膠
極矣江山劉毓盤子庚識

菩薩蠻

秋江笑譜相思引春風驚報將離信花約夕陽遲一齊
紅幾時 玉關雲萬匝自起彈銀甲窗際覓歸帆飛鴻
過兩三

詞

摸魚子

自題斷夢離痕圖寫夢臆詞意

幾丁甯畫裙詩扇文鸞偷製眉譜桃花似識春人影淚
兩亂飛紅醋天也妬妬十載清狂狂煞樊川杜星期替
數記半臂揆香雙鬟索笑身到廣寒府 山塘路瘦損
梧桐四五荷風吹冷歡霧初三下九當頭月倒抹粉痕
如故眞鑄錯縱乞遍霧膏怎解蓮心苦聲聲去艣道折
我浮名消他薄命宜樹夜來補

訴衷情

芳序分取千百緒付殘紅風乍起花氣撲青驄春在雨
聲中渠儂夜寒衾半空兩邊同

踏歌

和譚仲脩獻

盼切悄波天對面成秋碧江湖恨不派無情客怎蘆花
先我頭飛雪 信隔慣書空只許離鴻識人人字替寫
長句撇悔虛名注下雙鴛牒 梨夢起杏淚積莽西風
渲作銅溝葉倩誰寄那邊緣把今生結怕高樓認是春
色

詞

一一

壽樓春

妍景易謝索居寡歡中酒微吟厲言十九
聽環花鶯啼妬窺梁客燕安穩雙飛一帶瓊樓深掩玉
叢寒稀春夢倦秋魂迷歎自來依人終非況水國蓬科
津亭絮影搖落怨江蘿 朱櫻瘦青苔肥想幽馨罷折
虛訂蘭期翠陌王孫歸去鴈音空題酥雨冷茵風低要
替吹東流迥西怕兜起蕉心將愁砌成冰雪肌

浪淘沙

又一體

朱穎勇

景行

司馬見眎近詞有總模糊忍喚酒

醒夢醒愁醒之句傷心人同此懷抱也

翠釭二等珠簾一桁金泥歡塞胭脂井到如今耐了衣
冷酒冷香冷 殘芙蓉自惜衰紅影鶴愁猿病砧聲入夢
淒絃應更無人喚得花醒月醒秋醒

金縷曲

題施潔篋蔭岸茂才青溪折柳圖爲悼亡作

滿店香于酒費心幾攀條弄葉軟紅奔走夾岸天開風
月稟眉樣逢時嬾鬪又客舍輕塵寒透數到荼蘼花事
晚已尋常短別傷春够聽一曲杜娘奏 小姑祠廢晴

詞

三

波皺再生緣萍根鑿取玉簫攜手眺盡平蕪煙化碧恨
字生生寄就怕鏡裏圓光同瘦自啟秋衾溫昔夢恰零
螢碎蟬長廝守爭及似那人否

百宜嬌

借葉浩吾瀚明經夜泛西湖斂舷作歌

花隕紅消浩稀綠倦吟聲都變哀徵雁尾拖霜蠶心喋
雨各有蒼涼身世纖波弄影又大地山河彈指約野鷗
打碎愁城醉魂相與終始 休再說釵盟鏡誓魔障掃
重重了無粘滯北斗扶搖東瀛杳眇不放妖墓偷至殘

衫破帽也抵作春衣初試劇積腥倒挽天池證沖霄志

詞作於辛卯
秋寔識語也

浣溪紗

珠絡香沈七寶釵楞紅亭子月如規照入銀燭也心灰

斷送芳華鵑作主傳來消息鳩爲媒自家惆悵自安

排

臺城路

述哀

迎鸞手結香羅帶芳春八年虛過拜母登程隨郎作嫁

詞

四

別有鄉心無那英游計左記盼說成名客窗燈火院柝

丁當斷機珍重夜功課 鵲枝易摧病果是空花幻影

天意參破敏篋揆衣牽蘿補屋往事憐卿憐我孤生怎

妥算四壁秋蟲不聽猶可兀地銅僊向人鉛淚墮

西地錦

璧月似憐愁况喚夢雲來往葡萄酒國情波片片約詩

魂同葬 碧漢靜無風浪趁水流花放低聲囑付鶯梭

莫更織千絲成網

醉翁操

杭城秋夕

刁刁騷蘭苕又蕭蕭芭蕉星河倒流璇宮搖鳳皇山
對江潮烏夜號殘笛怨萍飄比那番更添寂寥 十年
一夢醒也無繆美人不見翻惜銀屏路遙舉晚芳兮波
濤解贈環兮誰要霜風如翦刀吹開愁心苗知已碧雲
高海天彈破琴尾焦

眉嫵

題邵心炯

曾鑑

茂才玉霏三影圖爲悼亡作卽

送之就昏歎浦

詞

五

悵吟邊蓬梗曲裏梅花淒語冷紅豔刻意裁歡扇金風
起冰綃都被愁染綺窗自掩指一去分簫月去圓欠恁

來去草草瑤臺夢麝熏暗銷滅 琴劍漂零誰念記卸

肩雙笑春到湘簾小劫琉璃脆鈿釵寄他生空把人賺

淚珠洗臉趁定情死譜妝點等重寫霧蛾端正好畫眉

檻

君初昏有五色蛾來
因名其臺曰霧蛾詞

鬲溪梅令

春棠開作斷腸花會心差況是陰陰夢雨溼窻紗風枝
搖倦鴉 翠幃朱幄又誰家早涼些未必新人還比舊

人佳所思天一涯

長亭怨

和潘香禪

鍾瑞丈

已句卻閒愁無算閉上重門采禽休喚自解羅囊斬新
花樣鏡中看一斂湘月爭照出芳心怨絕好舊江山聽
悄地笳聲零亂春短怪南風百尺不把片帆吹轉空
林燕子儘銜遍落紅誰管便撇下暗裏情絲恁拈起噉
珠成串莫夢到窠階脉脉明河秋遠

憶舊游

詞

答寄王秉卿

國成

茂才白下

六

記春波瀉影秋月鉤魂一枕西湖桑海飛僊夢借脩羅
冷劫鴉瑄吹蘇醉醒兩難安頓清淚灑菰蒲更鶴舞楸
荒雞鳴埭廢還有人無黃奴變哀樂怕髻柳青青都
覺蕭疎儂亦經游到縱鶯嬌燕靚可似當初莫聽後庭
花曲同是怨羈孤正倚遍江亭連天草色聞鷓鴣古

點絳脣

儘日關窗茜紗新透蟲聲惡杏花開落不嫁風輕薄
打點蒼騰先恐春愁覺從今莫月去圓人獨更守花陰

角

西子妝

金沙感事

柳怨雅癡花暖蝶笑瘦得好春無影曲瓊飛夢入吳天
渺煙波翠流千頃眺歡易竟莫空放南枝折贈數歸程
怕故山鷓鴣欺人孤另芳原冷欲上秦樓也沒閒心
性戀衣香氣帶愁熏隔紅牆竹風吹定冰肌暗警怪偏
是文園薄倖甚霜娥猶把相思替證

霜天曉角

詞

七

風劣雲癡翠簫冰半池夢裏不曾相見何況是覺來時
然脂接恨施玉簪秋訊遲冷曉自憐殘粉香退盡沒
人知

洞仙歌

過朱穎勇司馬寓園爲穆素暉錄事西樓故居
芳踪不塵幻劫如夢同穎勇作

眞珠手卷借看花催起一段風流付鷗記有闌干幾曲
曲折環來先認取斷粉殘脂褪未玉塵妝檻閉蝶睡
初醒自惜香衾倦梳洗悄問綠楊枝閱盡滄桑長仿佛

閨蛾雙睇恁欲勸春留苦難留護點點春魂影娥池裏
泛清波摘遍

題陳蕙之女史畫卷依律分四疊與拜星月同
晏詞起句用叶如瑤華之借作偶句也今從之
頽雲髻挽攬月眉脩宮錦綉苑春服辦大千香界碎翦
冰魂作花瓣 重簾晚呼鶯貸笑要蜨評愁推枕帳中
追夢返綠慘紅噴汗柳含淒肯相盼 舊人散長把瘦
罍自憐收起研羅裙襴對影商量說此情可曾經慣
故歡幻去水冷送翠蘋輕風暗搖青蔓甚日重開鏡閣

詞

八

照成雙

青玉案

穠芳不與長晴見忒看得春光賤天爲人愁天亦變風
酥倦蝶雨收羈燕英氣銷花片 零歡冷落夫容薦枉
擘盡同功繭怪說故衣緣分淺青羅暗寫絳紗偷翦總
是成單線

甘州

送劉襄孫

燕翼

太史北上

沈征塵檢點黑貂裘來尋異鄉秋莽關山縱目寥天一

鴈飛過城樓若說文章報國花也替含羞要月連呼酒
整頓珠甌 分作兩家春色照蓬萊頂上豆蔻梢頭指
高寒玉宇法曲許聞不映空梁缺多圓少倩太虛僊斧
可能脩澄清夢好乘風便吹下神州

金縷曲

閨人蘊君將渡江來歸追念亡嬾柔君之歿泣

然有作

攬鏡花先笑繡屏開鵝飛鯨舞過江春早爲怕周旋桃
乞代偏放梨雲去抱空數說催妝詩好莫向文窗窺織

詞

九

素九張機替織鸞分杼寬幾許帶圍了 朱絲牽轉青
年少費工夫牛衣對泣也須修到一樣黃昏更漏永唯
有情天不曉歎我亦名場潦 倒夜夜通禱來夢見勝
相逢闔苑傳書烏眞抵似返生草

風蝶令

送喜蛛留影迷香蝶證綠碧蕪吹淚冷城寒眞箇生成
無命作嬋娟 瑤盒星雙鹽珠燈月再圓待情羞抱錦
衾死還是夢中心放片時寬

法曲獻僊音

百蘊君初秋暴斃半年伉儷哀不成聲矣

鴉血嘒冤麝灰驚劫未了玉臺餘慟粉閣寒淒璣奩塵
黥衰絲替穿心孔聽落葉消魂別殘燈煮愁重透窗
縫是明明舊家員月恁一半偷被猛風吹送破鏡比情
多向人天分照離夢蟾合休看拗秋花根和淚種付清
修梅鶴不怕暗香牽動

一絡索

愁外那容人住正海紅開處夕陽西下月東來望不了
長亭樹彈遍十三箏柱數舊情儂女伯勞東去燕西

詞

歸聽不了荒城杵

水調歌頭

一泉唐曉發寄懷薊遼及故邑友人

咫尺斗牛府清淺阻靄楂黃金鑄出酸淚剝骨洗愁魔
舊誓江南江北新憶天南天北歸夢瘴雲遮吹劍弄秋
色洮海掣銀蝨我欲仿鴟夷子挈吳娃明珠散作紅
豆種草不成花堤柳牽人同住社燕邀人同去去住兩
參差見晚唐詩呼起一輪月飛影掃龍沙

百字令

人命朝露世情秋雲憂從中來長歌當哭

四條絃子借琵琶剗盡山衿河帶偌大乾坤愁打疊茵
溷收場同嘅債帥招要貲郎跌宕緋紫恩施太墻間殘
酒醉人游戲三昧誰念翠袖天寒青衫日暮路有椰
揄鬼學得卑田蒿里曲中憫英雄安在博簪擗金梳權
倚玉願作司香尉纖阿休笑月階長伴花睡

柳梢青

梁溪錄別

風絮雲蘋馮空釀出天氣宜春六柱窗中三生石上又

詞

二

到臨分 霏紅漠漠如塵是前度顰郎淚痕此後關心
故人漚鳥小賸魚鱗

淒涼犯

題沈磨盾

秉康

太守歷下尋詩圖紀宦游山左

事

冰霜萬劫明湖柳南都恨事休說綺心碎亂登樓試聽
幾聲長笛蘋波沁碧尙看作榆關草色慙年來銘鵠詠
鯁瑤訊莫雲隔 行過虹橋去剔蘚扶琴就花移席涓
滅酒散怨芳菲故宮天末欲訪青娥只江水凝情似昔

向清宵禿筦繭尾夢話別

祝英臺

兩欺春星翳月塵掩絳紗帳自嫁王郎迢遞怨天壤百
年有幾時光一聲將息換兩字別來無恙萬千想好
風吹得愁消楊絲又吹上泪睫朦朧錦瑟似人樣縱教
悟澈虛花綠肥紅瘦併付與燕鶯歡鬯

菩薩蠻

漱藥庵戲酬

貼鬢花串熏瓊押裊死雙證刀環約酒半粉渦紅挨郎

詞

七

團扇風 七香金勒馬偷放嬉春假信手弄青梅酸心
知爲誰

滿庭芳

楊雪春飛梧煙秋送夢回芳約成瀉玉笙呵啞誰炙冷
心窩來日多于去日當時節片刻嫌多相思起匆匆未
識如水怎生過 香螺空自寫華鬢小影湘魄新歌借
情場血淚泛出微波裙子留僊不住風吹作怨綺愁羅
翻憐說勝人少許頭白負星娥

醉花陰

冷澈情根冰蘖刻可惜尋春晚縱不病慙慙開落由他人比番風嬾 征衣消盡看花眼醉倒流霞瑣還說未曾愁瞥地空梁燕語聞長嘆

石湖僊

題徐藻涵

世勛

廣文楓江垂釣圖

垂虹亭小也邀得詞僊攜月尋到筇譜約雙修換梅邊紅兒一笑蕤蘊殘夢算畢竟在家貧好秋早倩帚花替把愁掃 盟鷗五湖未老北山文羊裘卸了見慣風波目送西臺朱鳥活潑精神放開懷抱抗心天表詩作釣收竿那問魚少

詞

三

探芳訊

同俞弇山

鎮

孝廉湖上晚步

隊歡補費萬軸霧梭縹成恨賦恁過時花柳商量舊眉嫵段家橋底無情水冷眼多情苦好春光換了漚邊畫船簫鼓 零落紫雲譜已少箇伶仃襪羅平步淚滴空杯別酒醜於醋寒螿叫破天沈醉替作哀音訴逗驚心鳥外秋燐暗舞

四字令

春陽馬嘶秋陰雁唳出門便是天涯儘淒涼受伊春
痕草齊秋心絮飛無人泥間添衣甚歸無準期

側犯

黃天蕩觀荷花作劉光珊炳照明經謂是雙垓

頭余依律補聲煞尾庶不犯複也

繡襦甲帳露珠密寫凌波字吟次配一賦閒情補花史

雙雙並命烏終古爲情死歡事歎未必人生果勝此

香桃恨起盼煞青鸞使原不是律註叶今從之怯西風玉骨

瘦于紙替了塵因藕絲菱刺秋思叶筇篻自翻憐子

詞

十四

滿江紅

武昌客感

寂寂江城正取次庭花自開聽黃鶴樓中吹笛塵鑲金
徽精衛寃多天作孽迦陵命好佛憐才又一燈紅掩玉
蟲飛人未歸英雄恨豪氣衰兒女恨夙因乖借髻絲
禪榻怨賦春閨過眼雲煙渾似夢賞心風月不須媒約
玳梁雙燕說歡踪知我悲

蜨戀花

蕪湖贈別

敲斷燕釵彈燭鳳頃刻花開淚作紅冰凍流水歡場風
替送深心各有江州慟 杯酒暗催離笛動煞費平章
醉與愁爭寵壓枕癡魂新樣重不關寒到人無夢

夢夫容

題張叔鵬 炳翔 大令孤山夢游圖爲悼梅鶴而

作

瓊花生帶恨似依稀歲晚幾番芳訊六橋殘月星御彩
虹趁鏡潮歸有準同心空鑄私印紙帳寒多自逋僊去
後春送舊偕隱 塵夢何如鶴穩瘦羽翩翻太息風吹

詞

十五

損夜燈秋笛驚起落梅引斷魂新畫本人間天上難問
唱出歡來怕題香妙侶無復少年俊

南鄉子

璫約問涼蟾缺比圓多恨未堪垂柳忽移霜月影麤麤
著意溫存到枕函 結果絮泥參入夢釵心綴玉蠶睡
起欲尋秋燕語喃喃先我辭家去海南

徵招

友蘭蒼寓牆外土山坏然相傳爲吳王時寶妃
墓史乘失攷知湮沒者多矣

消沈永蒼瓊魂怨斑斑玉魚冰化風卷白楊飛替蘇臺
花謝病鶻呻斷瓦和淒唱鮑詩吟罷苦說承恩金迷紙
醉御爐香惹悲也綺羅身深宮裏零星豔愁難寫掩
袖笑嚙妃悄扁舟雙鴛女戎休唾罵問麋鹿故城殘霸
暗催送一點春來到宋家牆下

高陽臺

錢念劬恂 觀警招集秦淮燈舫卽席賦別

借淚酬春將心託月哀箏擲作清商菱尾尊開歡期閒
了壺觴蘭煙淡抹瓊枝影問飛花甚處家鄉莫逢場又
唱當年金縷衣裳紅麈舊約留情地有宮鶻瞥見密
意端相證說萍漂蜨魂扶下欽梁板橋恨不通潮汐也
如人九曲廻腸儘思量說與南朝幾樹垂楊

慶春澤

潑酒醺風吹透吹不去盈盈那時頰皺除鏡鳳誰憐花
如人瘦夜合歡開怎知此情否素袖林陰招手春又
到南枝粉波香溜歎約月盟星天台尋够再世韋郎別
家未曾有

惜紅衣

寄筠姬

卻扇徵歌籠燈貫夢碧霜寒作避面參商星辰又張角
湔裙過了春未到深深簾幕風惡吹起柳花也無端漂
泊 兜鞋鳳笑抖帕妃香宮綉比情薄憐儂唱罷怨曲
和淒竹兩字個人休寫誰肯主張紅萼問個人何處歸
鴈影邊空索

龍山會

吳女墓哭地記錄異各傳不一說吳越春秋古
今本不符青邱瓊姬之證尤非攷古難已

詞

七

破楚門邊過玉碎珠分不識如何可憐荒螢借火埋香
處萬葉落梧風大淨體送梁清有鴈淚悄向碑心飛隄
弔秋煙宮蟬化了問他誰個 干場公案推番劍底魚
羹證結因生果西陵松柏餓先春去省卻漸臺愁坐幻
鶴怨齊雲夢初覺形影皆非真我一枝枝漂蕭敗柳替
含眉鎖

唐多令

有寄

薇火夜香添春寒逗玉搯况新愁舊恨相兼卅六江鱗

挨數轉難道是錦魚緘
黑蜩夢兒甜黃鶯巧避嫌報
天街偏閨銅籤月不負人人負月先放下水精簾

哨徧

雲陽秋夕孤坐麻齋時筠姬歿逾月矣行年四
十三遣悲懷人棊俱亡能勿慟哭

一片角聲一片笛聲欲喚冰魂起虛幌西錯說翫分携
忒生離死離容易方寸際橫空亂愁遍砌秋茶猶覺甘
如薺怪走倦星郵眠欺霜簟女牀鸞又孤倚枉年年金
綫壓征衣長累得清娛髻蓬飛萬里相從終身相守霎

詞

六

時相棄 噫重見無期六朝千古傷心地江水傾成淚
也休將淺深比算海似恩多天難恨補眼波肯共魚腸
閉恁管冷描蛾銘書瘞鶴畫圖新展眉意只隔開層紙
路程迷便夢裏歸家是耶非剖雙叢玉根珠蒂風枝爲
下轉語解脫向忉利破除煩惱憐儂憶汝悔作有情夫
婿遞更衙鼓答噓唏怨燈花故逗人喜

卜算子

半晌換輕容虛閣先秋到不爲無人不下來只有斜陽
好舊日素心花今日紅心草寫作兜央自忖量个个

成顛倒

江城梅花引

天晴泪眼那曾晴
酒初醒漏初停了
烏層層遮不斷
愁程索性紅窗開
四扇約明月到空房
對一燈一燈一
燈慣知情雙誓輕
孤夢驚睡也睡也
睡不熟冰簟淒清
帳底銀鈎猶作墮
釵聲經卷藥爐新
活計收拾起別人
家孔雀屏

摸魚子

題沈子修文熙參軍紅燈說劍圖

詞

十九

碧湛湛一泖秋水當場談盡恩怨黃衫客已神龍化耽
誤幾家僂眷天不筦便再合延津也恐蘭因短吳雲盼
斷恁柳外三星花時二月豔說美人戰 銀壺緩辜負
香衾夜半知心紅線相勸公孫臨穎還山去杜老賦情
吟倦安史亂要小試鋒鋌挽得鴻鈞轉陰符掩卷又金
鳳開初粉蛾飛下替我問聲翰

太常引

蘭陵舟夕

蜚螿作意奈人何不放夜空過賭唱得黃河算那有心

情聽他 無邊風月無邊山水羌笛怨宮羅叮屬舊鸚
哥莫情說朱顏瘦多

月華清

自書人閒私語後

譜借哀蟬香流壞蝶簫聲吹送吳市九錫風花一霎稱
身朱紫可配似小玉丰姿憑記取智瓊名字蓮子賺妃
魂劫作卷施心死 泪墨印成鴟紙忍有限青春萬愁
驅使短笛零鈴伴說夜娥情事怎眼見屈戌三重又腸
轉轉轆千次文梓嘆天長地久樹猶如此

詞

三

宴鬢堂

冬去雲陽以筠器歸水色山光都成愁抱矣

月彎彎一程程戀別因甚相關汀鷗舊識訝雙影成單
倩魂迎面如天遠但流珠替似鳴環又等閒花鳥愁煙
頻雨作弄更番 病柳不須攀也殷勤欲訴春事闌珊
河梁後約更誰繫朱幡願他身化輕舟檝送行人萬水
千山怕載將離恨秋鶯飛去沒處分攤

秋千索

綠波留下春雲相悄不見桃根雙槳倦絮無才著地飛

肯忘卻凌空想 荳花開與羣鷗賞好一幅離魂圖樣
怪是秋來總是愁是秋在人心上

梁州疊韻

團扇仕女

便面青紅退玉壺春去難買偷裁月魄寄情多鶯花如
海欲破蘭脩戒 乘鸞喜逗羅裙解鏡盞支歡會零愁
託與天際到頭終有團纒在 駕鵲霸辰改一彎重整
蛾黛玲瓏巧製想夫憐桃塔低拜兩地平分派 棄捐
錯訝秋風快好事明年再那堪瓊子僊骨淚斑香沁烏

詞

三

絲壤

巫山一段雲

菰米無多飽蓮房強半空諱愁未敢怨春工瞞不過眉
峯 香氣摻眠屨塵根漬唾絨一鵝唳得瘦東風何況
薄情儂

金縷曲

題吳灑庵梅 茂才風洞山傳奇譜瞿忠宣事

一滴眞元血是天工撐持世界作成豪杰爰鶴鼎沙秋
燼化了卻中原半癖生不幸謀人家國欲乞黃冠歸里

去聽桃花扇底嬌鶯泣，珮劍四空擊。靡笄獨抱孤
臣節，儘昏昏終朝醉夢。草間偷活，柱木焉能支大厦。
萬丈靈光照澈，灰冷透昆明，殘劫徧地，皆非乾淨土。莽青
山何苦收遺骨，休更向老僧說。

月下笛

強醉偷歡，憑詩乞夢，淚衾淹透。黃鸝太驟，怎將他趾離
呪。蘭花性格曇花命，抵一劫長生悔否。但絲絲情在，因
分果合，幾多時候。偏又春挑逗，怕晝裏難呼綵灰芳
酒。棲香願，够繞池尋遍，紅藕窮途，痛灑新亭涕也。懶把

詞

三

文簫更奏等月影，作三人心鏡空無所有。

謁金門

風力猛，閣住半窗春影。桃子衫輕，釵玉冷，有人和淚等
四季花開，長命花底翠妃交頸。花鳥相依，天也肯呼
天天不應。

綺寮怨

登登層層飛起水沈香，自煎寫別後一寸成灰，相思恨
卻寄誰邊。塵羅濃熏鏡，祇梨子瘦怯，過去年怪紫綃
不綰。吟魂情絲併，泪血題翠牋。鈿去合兩心，比堅回

文刻遍深盟竟付虛言汎海求仙恁山在有無間萍踪
隔生能見願化作絮纏綿愁吟醉眠霜華冷昔夢人可
憐

四犯翦梅花

寄蔣頰青

玉棧

刺史白下并題其冰紅詞卷

銀缸泥夜趁嬌塵換了碧雞金馬小隊鈞天冷長安杯
把搖顛去也又春在杏花羅帕翠箔鴉癡紅衿燕笑舊
時情話 哀吟庾郎賦罷有秦淮柳色眉替人畫扶起
梨魂怨流酥寒惹綃衣自卸儘消受玉簫鴛鴦錦樣詩

詞

三

愁香初笛譜水雲樓下

令叔鹿潭先生詞名

菩薩蠻

梨花颺作晴天雪
翠恩抵似銀潢隔
蝴蝶趕春忙
飛來總一雙
蕉香心事裏
不許風吹破
新綠又成陰
舊歡無處尋

長亭怨

人事侘傺旅况寂寥舊愁新愁百端交集矣

又三月光陰飛羽院落沈沈數聲嗚宇海樣金多買春
將恨黯分與選花評葉休認作同心芭蜂蝶替人愁已

瘦得瞿身如許 雲雨甚荒唐一賦悞盡世閒兒女風
情易倦忍重託繡簾擡舉最苦是舊燕歸時忽提起當
初言語也怨煞東君輕放華年吹去

疏影

長安客感眎蔡師愚

實善

臧博綸 勵蘇

焦夢周

文基

同年

秦時片月是幾番與我相對終夕散仗歸來障面清游
章臺豔影無跡灞橋髡柳摧殘盡料青眼征途難得也
未妨詩酒從容自笑萬人藏一 寫徧雲牋欲寄越山

詞

善

夢不到孤雁聲急鼙鼓驚天綃鳳簾櫳換了銅駝荆棘
綠章晨奏通明殿已文武衣冠非昔有故宮禾黍離離
生作可憐顏色

醉花陰

翠竹蒼梧吟未穩何況閒金粉春好轉愁多捲地東風
不許人無鬪 蘼蕪作色欺青鬢數晚鴉歸盡一片戰
塲花商女吞聲唱出陳宮恨

水龍吟

潼關道中

終南積翠銷沈倒騎驢子迴頭看秦樓話別口脂私語
香痕未浣柳憶顰分花憐笑減舊人天遠恁芳菲世界
爲歡能幾容易說春情倦 初日曠曠四扇念家山宮
商已換千尋鐵鎖費他多少周郎巧算笈鳳刀光驚鴛
劍影素衿曠滿怪譙門畫角聲聲猶是訴征夫怨

解語花

施梅川體

南歸後寄孥西湖與王翰臣

德錄

封翁結鄰翰

臣攜酒過飲醉後同登寶石山作

新筵送怨舊笛迎歡江關素秋冷翠禽嘯竟荒祠外社

詞

姜

鼓暮鴉猶競歸觴未整先忘卻鷗波漁艇空自笑雲水
霏微重訪招提境 斫地哀歌暗省有風搖九子鈴語
相應廢牆頽井休看作松菊故園二徑閒花弔影誰憐
我無家陶令向此間一任魚龍喚夢醒

望江怨

愁無着刻劃春情碎絨嚼新聲憐杜若玉箏吹冷瑤華
約費商略摺起舊羅裙近來更瘦削

瑞鶴仙

孫花翁墓

斷碑殘恨瘞一千年占得趙家弓地仙城翠雲起指樊
樓燈火故都荆杞藍橋萬里又賣藥文簫自喜便功名
畫上淩烟百戰將軍休矣空記書沈天遠袖薄寒輕
牡丹開未欄干第幾相思在寶釵底恁吳山越水鶴裘
塵暗不向長安索米借東風替賦招魂玉樽更洗

摸魚子

嘉興郭季人似壘衷同時諸家畫作畫苑續徵
圖中多吳下故人爲譜此解

莽龍蛇闔閭城畔翩翩年少裘馬尙書投老霜侵鬢今

詞

美

夕可談風雅杯共把正綠野堂開小結蓮花社滄洲自

寫記阿堵傳神迴波索句同入座中也光緒壬辰癸巳
間吳憲齋丈於

怡園設社時金心蘭陸廉夫
倪墨耕頌焉今皆宿草矣支離夢滿眼雲烟過罷

瓜棚誰與閒話披圖如見狂奴態惟有舊情衰謝天不
假更幾箇平分高致林泉下公眞健者好舫訂清河齋

題豔雪莫歎素心寡季人闔家工畫閨閣
中無不能設色者

浣溪沙

舊恨空中記不全一窗花落又今年玉璫緘札訴纏綿
未必有情成眷屬明知無路訪神仙芳塵如夢夢如

烟

前調

燕子春燈喚莫愁重扶殘醉按銀疆無人庭院可人秋
掠鬢輕風香一點畫眉新月影雙勾不堪回首鳳池
頭

喜遷鶯

史梅溪體

鴛湖在嘉興東門外風景殊勝惜無山以供點
綴爾時重葺烟雨樓成拈此題壁

一篙新漲儘好風吹皺布帆無恙接葉淞消平莎茸淺

詞

毛

春在杏花梢上浣紗人去後誰問訊探菱歌唱繫情處
有鴛鴦對對飛近雙槳心賞又片嚮數徧舊游便作
乘槎想燕國吟香魚天索夢遮住軟紅千丈自憐詩鬢
換空戀說玉蓉仙掌怕醉墨寫不成翠微西爽

蕙蘭芳引

春到綺窗有心事素鸚能識正十里花開枝上嫩寒又
勒開紅豔影算俊侶一筇塵隔恁鈿車別後斷卻香鸞
消息瘦月眉肥輕雲鬢重舊夢留得向深院秋千重
數繡羅鳳跡垂楊如畫替描冶色偏弄人天氣晚來風

急

清平樂

重游燕京作

觚棱日麗寶玦珊瑚膩殘蜺惺忪扶夢起不是秦宮花
底王孫芳草無多踏青時節虛過一路玉泉山色爲
誰深鎖雙蛾

西河

畢節路金坡

朝鑿

嘗夢入萬山中流水四圍絕

壁于尺題曰汪水雲濯髮處作仙山濯髮圖索

詞

三

題

秋思遠仙鄉夢裏尋到陽阿路隔此桃源避秦地好聽
琴人去聞風塞湖山空付吟稿鳳城黯王氣了燕雲
舊怨難報幽蘭燼骨送將來縱橫計巧碎環多事費聰
明蝦蟇驚破天曉盛衰自古鎮看飽又單于三弄吹
老點點吳霜休笑算中原一髮投鞭誰早籌筆樓開櫂

檣掃

